

Grond dumber d'annunzias a las scolas medias grischunas

■ **Bunamain 850 scolaras e scolar han absolvi ils 12 da favrer ed ils 19 da mars 2013 ils examens d'admissiun chantunals per il gimnasi sco er per la scola media professionala e commerciala. Malgrà il grond dumber d'annunzias han ils examens d'admissiun pudì vegnir manads tras senza incaps en tut ils lieus d'examen.**

Ilis examens d'admissiun chantunals per entrar en il gimnasi sco er en la scola media professionala e commerciala han gì lieu er quest onn il medem temp en ils differents lieus da scolas medias. Grazia a la buna preparaziun da tut las personas participadas han ils examens d'admissiun pudì vegnir manads tras senza incaps en tut ils lieus d'examen. Tut en tut han 843 scolaras e scolar fatg questa primavaira ils examens d'admissiun chantunals a las scolas medias grischunas. En cumparegliazion cun l'onn precedent – cura che var 870



Scola claustrala da Mustér.

MAD

candidatas e candidats eran vegnids dumbrads – signifitgescha quai ina pitschna reducziun. Quella sa mova dentant en il rom da las variaziuns annualas natiralas.

Da las 433 scolaras e scolar primars che han fatg ils 12 da favrer 2013 in examen d'admissiun per la 1. classa dal gimnasi da lunga durada han 240 dastgà s'allegrar d'ina decisiun d'examen positiva. L'onn passà è quai stà il cas per 286 da 479 candidatas e candidats.

Ilis 19 da mars 2013 ha gì lieu l'uschenumnà examen unifitgà per l'entrada en la 3. classa dal gimnasi da lunga durada sco er per l'entrada en la 1. classa da la scola media professionala u commerciala. Da quest examen han fatg part quest onn 410 scolaras e scolar. Da quels han 184 adempli ils criteris d'admissiun per l'entrada en la 3. classa gimnasiala. Ulteriuras 96 scolaras e scolar èn sa qualificads per

l'entrada en la 1. classa da la scola media professionala u commerciala. Ilis dumbers d'admissiuns sa chattan uschia sin quest stgalim levamain sur quel da l'onn precedent cura che 169 da 389 scolaras e scolar examinads han pudì entrar en la 3. classa dal gimnasi e 90 candidatas e candidats han survegnì ina decisiun positiva per entrar en la scola media commerciala u professionala.

Ilis giuvenils ch'èn sa decidids per la scolaziun a la scola media commerciala u professionala vegnan anc a frequentar il 9. onn da scola en la scola populara e consequentamain per regla pir entrar il cumenzament da l'onn da scola 2014/15 en ina scola media grischuna. Las gimnasiastas ed ils gimnasiasts futurs vegnan percenter a cuntinuar lur carriera da scola gia il proxim onn da scola en il gimnasis da curta e lunga durada dal Grischun.